

Núm. 88

Tomo 8.º

nóð

CATILLAS



BOLETÍN MENSUAL
da
CULTURA GALEGA

Direitor Literario
Vicente Risco

Direitor Artístico
Alfonso R. Castelao

Administrador
ANXEL CASAL

DIRECCIÓN E REDACCIÓN:

Sto. Domingo, 47—OURENSE

ADEMINISTRACIÓN:

Horas, 20 — SANTIAGO

ABONAMENTO

NOTA

Doce números, na Península 6'00 pesetas.

Fora da Península 8'00 .

Número solto 0'70 .

Este boletín non publicará máis orixinais qu'os que foran directamente solicitados pol-a Dirección. Tampouco se fai solidario das ideas n-eles emitidos, a non ser dos que por non iren rubrados, enténdense que son da Redacción.

Os pagos son adiantados e os gastos de xiro de conta dos suscritores

SUMARIO

Xoquín, POR RAMÓN CABANILLAS.

O Voto do Concello de Arbo na Festa de San Roque, POR ALFONSO VAZQUEZ MARTÍNEZ.

Leabhar Gabhála, Libro das Conquistas d'Irlanda (proseguimento)

Da Alemaña, POR VICENTE RISCO (proseguimento)

IMPRESA "NÓS"

Facturas - Estados - Libros - Revistas
e toda crás de traballos tipográficos

Trasmitanos os seus encárgos

Hortas, 20

SANTIAGO

Vicente Risco

Abogado

Sanlo Domingo, 47-2.º

Ourense



BOLETIN MENSUAL DA CULTURA GALEGA

Ano XIII



Ourense 15 de Abril do 1931



Núm. 88

X O Q U Í N

*Xoquín, inda pequeno,
c-os seus ollos de neno
veu craramente o mundo e máis a vida.
E colléu seu camiño
—o do seu corazón e o seu destino—
sin medo a dente, frecha nin ferida.*

*Xoquín puxo seu gusto en camiñar
o onde o levan os pes vai a cabeza
mais seia besta ou home o que tropeza,
Xoquín déixao pasar.*

*Como un varal de fento,
un milleiro de follas velañas
ten o seu pensamento.
E como non dá rido,
cando ceiba as folliñas
a xente dí: «Xoquín non ten sentido».
Porque todo o que mira o mira arrente,*

*non se dá conta á xente
de que Xoquín ten ollos milagreiros:
os dos santos, os telos e os poetas
que de todo o que brila fan luceiros
e de todo o que voa volvoetas.*

*Nunca dos homes ó vivir noxento
ten de tornar Xoquín,
xa que a sua vereda non ten fin
e está empedrada pol-o Esquecemento.
Tal como é, é ditoso. Nada o mágoa
e nin sabe de envexas, nin de dores.
Todas as erbas, para él, son frores.
pelras de luz todas as pingas de ágoa
e todos os paxaros, reiseñores.*

*Din que é parbo Xoquín...
¡Parbos son os que o din!*

RAMÓN CABANILLAS



O VOTO DO CONCELLO DE ARBO NA FESTA DE SAN ROQUE

por ALFONSO VAZQUEZ MARTÍNEZ

Dende pequeno vía na festividade de San Roque ir o Concello en preno á ouvir a misa que na igrexa parroquial celebrábase pra cumprir un voto feito pol-os antepasados, cumprindo unha promesa que, en días de anguria e pesadume, habíase feito nun tempo lonxano e esquecido.

Tiven sempre desexos de saber o fundamento dese voto; saber en qué circunstancias se fixera; conocer todo o seu desenrolo e vicisitudes desde que se prometeu, hastra o día de hoxe. As noticias tidas da tradición oral, eran bastante escasas e deficientes; facíano remontar a unha data lonxana de nós, sin poder percisar o día nin o ano do mesmo.

Á falla de máis datos precisos, decidín ir á fonte que mellor me poidera informar e no Arquivo Municipal d'ista parroquia e auntamento, adiqueime á investigar os datos que me deran máis luz.

O Arquivo, non vale gran cousa debido á perdas varias que tivo con saqueos, incendios e algo de abandono de parte de algunhas autoridades, que o tiveron esquecido sin lle dar a importancia que teñen en si; pois encerran a vida íntima dos pobos pequenos.

Os documentos máis antigos, remóntanse ó ano 1780, todos xuntos nun paquete que di: «Legajo de Reales Ordenes». Esta data é relativamente próxima pra a búsqueda de

iste asunto que, según as noticias que teño, remóntase ata o século XVI.

Nin n-iste legaxo; nin en todol-os demais que hai ata o ano 1852, atopei dato algún, nin pequena indicación que me abri- ra o camiño pra ulteriores investigacións.

Chega ó ano 1852 e nunha sesión tida no mes de Agosto, o día 11, baixo a Presidencia de D. Antonio María Giráldez, aparece unha noticia concreta e terminante, en que xa nos fala da festividade do señor San Roque.

Na dita sesión, o señor Presidente chama ós señores concexales que concurran «a las diez de la mañana del día 16 del corriente a la Iglesia parroquial de ésta cabeza de Distrito, con objeto de asistir a la función, que este Ayuntamiento, por voto, celebra anualmente al glorioso S. Roque».

Esta é a circular mandada pra a asistencia ó dito acto ós compoñentes, do concello; circular que, ó examinala detidamente, su- xire en nós varias preguntas, pois chám- nos a atención que fale na dita convocato- ria dunha celebración anual dos ditos votos e que dende o ano 1840, que é cando comen- zan a atoparse actas das sesións municipa- les, non teñamos noticia ningunha da cele- bración da dita festividade.

Esta pregunta é resolta pol-os do mesmo concello ó engadir na dita acta do mesmo día 11, «Que no se alcanza el tiempo en que haya sido echo, tanto que no hay documen-

to alguno en que conste, mas que la tradición y una costumbre nunca interrumpida hasta el día.»

Isto que derradeiramente se fai notar na acta, sofre contradicción pola falla das noticias dos anos anteriores e por outros datos que máis adiante veremos.

O Alcalde fai ver á Corporación que os motivos pra facer ese voto deberon ser «poderosos», incitándoos a que o teñan en conta e que o cumplan con esactitude, pois así o prometeron.

Faise notar tamén neste acordo, que antigamente o Distrito ou Jurisdicción de Arbo, soilo constaba das catro parroquias: de Arbo, Barcela, Sela e Cabeyras, e o «Varrio del Cuarto de Mourentán», pero co a posterior división xudicial en que a cabeza de partido pasou de Crecente a Cañiza, engadíronse á Arbo, as parroquias de S. Cristobo de Mourentán e Cenqueliños, e atendendo á ista nova incorporación, dí o Señor Presidente «que si bien cuando debió haber sido echo el voto expresado este Ayuntamiento solo constaba de las cuatro parroquias (xa citadas); se agregaron más tarde al mismo las de Mourentán y Cenqueliños por cuya razón no dejan de estar obligados los Señores Concejales de ellas a cumplir con aquél, por cuanto fué colectivo y absolutamente echo por el Ayuntamiento de Arbo y no por cada parroquia de por sí».

De ista maneira vemos nesta data o recoñecimento do voto feito polos antecesores en época descoñecida debido á falla de documentos; mais a Corporación desexando dar novo impulso e vigor ó citado voto, respetando a dita «oferta» acorda por unanimidade «se lleve a efecto bajo las mismas reglas antiguas y que están acreditadas por práctica constante» e sobre todo pidiendo ó santo sirva de mediador co Omnipotente pra libertar o pobo «del mal de pestilencia del cual es especial patrono».

Unha vez reconecido o voto «el cuerpo municipal y cada señor concejal en representación de sus respectivas Parroquias por sí y en nombre de los que le sucederán en la representación municipal acuerda ratificar y ratifica por medio de este acuerdo para siempre jamás, el voto expresado de

tener bajo las reglas que quedan consignadas en cada un año el día 16 de Agosto una función al glorioso San Roque en esta Iglesia Parroquial de Arbo.»

Queda, pois, feito de novo o voto que ó parecer ía camiño de desaparecer, e unha vez ratificado trátase de arbitrar recursos pra pagar os gastos que se ocasionen nese día, acordándose que cada señor concexal pediría esmola pol-a sua parroquia, dando conta á tempo da recolleita que fixera, pra que en caso de que houbera débeda completar ó que faltara o concello, repartido entre os mesmos que o compuñan, sin perxuício de que no sucesivo poideran arbitrase do pago dos fondos municipales «si fuese admisible en ellos ésta clase de gastos».

Diciamos ó primeiro que ista festa celebrábase «anualmente», e según «una costumbre nunca interrumpida hasta el día», pero os feitos son outros, por canto que non todos cumpían a promesa, a xuzgar polos acordos tomados na tan citada sesión de 11 de Agosto, en virtud dos que a Corporación queixase e lamentase de que a Parroquia de Sela non ten concurrido coa sua procesión fai algúns anos, inorándose o motivo de ista falta, «por lo cual manda se le oficie excitando su celo para que cumpla con la obligación a que por el voto está obligada y de que no puede en modo alguno relevarle la interrupción arbitraria de la costumbre de algunos años á ésta parte».

Ó parecer, sementes a parroquia de Sela, faltaba ó seu compromiso, pois-as demáis parroquias como Barcela, Cabeyras e Arbo, non deixaron nunca de concurrir coas suas procesións no dito día, e ó notificarlles ista ratificación de voto rógalles que «continúen como hasta aquí lo han echo sin interrupción».

Ó Párroco de Arbo, que naquel tempo era D. Pedro Martínez, oficiaselle no senso de que «disponga que la función religiosa de Iglesia se tenga con toda solemnidad».

A ista acta, que tantas noticias nos deu, sucédelle un novo intervalo no que non se fai mención nas actas das sesións nin se consignaren nos presupostos, alcanzando iste intervalo ata o ano 1855.

¿Cómo esplicar ista falla de recordo e si-

lencio tan prolongado, dispóis dunha ratificación tan solemne?

Ó 15 de Agosto do ano 1855, lemos un acordo tomado sendo Alcalde D. Xaquín Vázquez de Puga, que debido á celebrarse o día seguinte a función de San Roque «día en que según inmemorial costumbre» paga o Auntamento á festividade o dito santo por voto que lle ten feito «deben concurrir a la Parroquial de Arbo todos los señores concejales con tal motivo, quienes así ofrecen cumplirlo.»

Pasan outra vez catro anos, no que ningún se volve acordar do santo e nas autas do concello non se atopa nada que nos fale do cumprimento do voto, e diste modo chega a discusión dos presupostos do ano 1859 1860 en que atopamos como cifra presupostada 300 réas que na discusión trátanse de votar abaixo, e por fin elimínanse na sesión do 2 do mes de Natal de 1858 sendo Alcalde D. Xosé María Mosquera, fundándose en que non «figuraban en anos anteriores».

Catro anos pasaran somentes do acordo da celebración da festa e oito da ratificación do voto e atopámonos con istos concexás que non respetan o acordo dos seus antecesores pero con nova variación de Presidencia no Concello en sesión de 10 de Agosto de 1859 baixo a Presidencia de D. José López a Corporación acorda «asistir a la misa para que el santo sirva de medianero para con Dios y libre de todo contagio» fundándose este acordo, no voto que «de antiguo viene observandose de costear la función de San Roque».

Verdadeiramente que non sabemos o que ocurría por aquel entón na nosa corporación municipal pois cando se trata de discutir a consignación presupostaria pra a festa bótana abaixo e dispois en vísperas da festa acordan celebrala encontrando outra anomalia máis, que se observa ó dicir que «de antiguo viene costeandose la función» e en sesións anteriores facer constar que non se costease a función de San Roque por non figurar en anos anteriores; indicando todo isto que os acordos non tiñan forza ningunha de cumprimento por canto que en cuestión de meses xa non se acordaban do que anteriormente se había determinado incu-

rrindo en contradiccións tan manifestas como as ditas.

No legaxo de documentos pertescentes ó ano de 1860 atopámonos con un cuadernillo de varias follas en que na primeira dinos «Ayuntamiento de Arbo—Año de 1860—Restablecimiento de la festividad de S. Roque en la iglesia parroquial de esta capital de distrito, la cual ha sido comprometida en el año 1515 a consecuencia de enfermedad epidémica».

Por fin e dispois de tanta búsqueda de datos atopámonos con que eiqui dásenos a data da época en que se fixo o voto, época que coincide c-unha en que toda Galicia estaba sufrindo as consecuencias de unha peste contaxiosa en que non foi somentes Arbo quen en circunstancias tales se lembró de implorar a protección de S. Roque considerado na igrexa como especial patrono de toda crase de peste e males.

Por ista época, anos máis ou menos, como xa dixeran era Galicia azoutada por unha peste que, en Sant-Iago, por exemplo, asolou bastante ista rexión como asimismo Pontevedra e outras comarcas máis; non sendo estrano pois que n-ista desgracia buscárase protección pra se librar de somellante desgrazo.

N-iste legaxo de documentos de que fixemos mención temos unha gran cantidade de datos que amplían grandemente as noticias que sobor do particular necesitamos.

Pra mellor observar a marcha do restablecemento de ista festividade de S. Roque seguiremos punto por punto o texto integro do mesmo.

Hai unha folla encabezada diste xeito. Acta sobre la festividad de S. Roque que comienza así:

En la sala de sesiones del Ayuntamiento de Arbo a veinte de julio de mil ochocientos sesenta. Reunidos los señores que suscriben bajo la Presidencia del Señor Alcalde D. José López se llamó por este la atención de que este cuerpo municipal y las parroquias de Arbo, Barcela y Cabeiras habían consagrado en mil quinientos quince voto formal de celebrar la festividad de S. Roque en la iglesia de esta Capital por el alivio de una enfermedad epidémica que entonces atacara a

estos pueblos. La corporación persuadida de su compromiso que reconoce bien, apoyado por la gravedad de las causas y por lo tanto su observancia y cumplimiento de justicia y anhelan estimular del mismo a sus administrados y deseando dar vida a ese voto antiguo que casi yace en la obscuridad; acuerda restablecerlo y de nuevo formalizarlo en consecuencia que en el año actual se celebre la festividad de San Roque con la decencia que corresponde para lo cual invita a los pueblos expresados con el objeto de que se sirvan concurrir por sí o por medio de sus encargados con las procesiones al punto de San Roque de este pueblo donde hay una ermita de este mismo nombre a fin de allí ser recibidos por la de la Iglesia parroquial de este distrito pasando, después, y en conjunto a la misma y asistiendo a la misa cantada que debe de celebrarse; que una vez los gastos de esta función no son abonables en presupuestos municipales según la práctica observada se abra una subscripción de particulares voluntarios constituyendo la promesa o penitencia que tengan por conveniente; que esta festividad se anuncie anualmente por edictos para lograr la concurrencia de gentes cercanas y lejanas; que las subscripciones se inviten cada un año para el ingreso de nuevos devotos, testando de la misma a los que fallecieron o presenten la separación y que de todos los gastos se unirá al expediente cuenta demostrativa de ellos, recaudándose de los subscriptores con la anticipación debida la suma que hayan consignado para lo que el Señor Presidente nombrará persona o personas que gratuitamente desempeñen este cargo. Así lo dispusieron y firman de que yo Secretario certifico.—José López.—José Gil.—Juan Simón.—Diego Ribera.—Juan Antonio Estevez.—Domingo González.—Juan Alvarez.—Juan Manuel Rodríguez.—José Vázquez Araujo, Secretario—firmado y rubricado.

Varias foron as causas que moveron o Concello de Arbo ó restabrecimento dunha maneira solene do voto, como na mesma aita da sesión se fai costar, tendo que facer notar que no ano 1860 foi un ano no que aconteceron varios sucesos, tristes uns, alegres outros, non extrañándonos pois que

escolleran a festividade de San Roque pra conmemorar todo xunto.

Os sucesos á conmemorar eran dar grazias pol-os éxitos obtidos pol-o noso exército en terras africanas contra dos mouros; pedir proteición contra unha nova peste, cal era a invasión do oidium que amenazaba seriamente a colleita do viño.

Istes eran, pois, dous motivos serios pol-os que os concexás quixeron facer solene por todol-os conceptos, engadindo aínda máis outros motivos puramente particulares como eran o da colocación do retrato da súa Maxestade a raíña Isabel II, donación do Excelentísimo D. Lorenzo de Cuenca, Diputado a Cortes por iste distrito.

De todos istes feitos falaremos dunha maneira particular.

Seguidamente vamos á pór integro o programa dos festexos realizados nise día en honor do señor San Roque.

«Programa de los festejos públicos cívico-religiosos que el Ayuntamiento Constitucional de Arbo acordó celebrar en 16 de Agosto de 1860, día de San Roque y aniversario de un voto antiguo que el municipio y parroquias consagraron por el alivio de una enfermedad epidémica que entonces atacó; como así bien en homenaje al Dios de los ejércitos por los triunfos alcanzados sobre el Imperio marroquí y la colocación del Retrato de S. M. la Reina en la sala Consistorial.

Se anunciará la función con repique ed campanas en la Iglesia parroquial de la Capital de Distrito en la víspera del día 16 con voladores y música que signifiquen la alegría y al mismo tiempo la dignidad tan necesarios en tales actos.

En seguida marchará la Corporación en pleno a la iglesia para asistir al «Te-Deum» en acción de gracias con música y voladores y seguidamente a la misa solemne del santo en la que predicará el distinguido y elocuente orador D. José Benito Collazo de la parroquia de Teis.

El Santo según el mismo voto antiguo y la costumbre que viene observándose será sacado procesionalmente por cuatro señores concejales hasta la capilla de San Sebastián.

Por la tarde la gaita del país servirá de diversión al público por frente a la Casa Consistorial en cuyo punto, iluminado con faroles, habrá baile con música.

Mas que función profana se preferirá no escasear en nada en cuanto a la religiosa cuyos cultos serán con la pompa que es de apetecer en tales actos para interceder más el inagotable consuelo de la Divina Providencia en pro de todas las necesidades de la Iglesia y de la Monarquía.

Casas Consistoriales 1.º de Agosto de 1860.—El Alcalde Presidente, José López.

O día 16 de Agosto celebrouse a festividade de San Roque con toda a esaititude cumplindo fielmente o programa, según consta dunha certificación espedita pol-o secretario D. Xan Vázquez e firmada pol-o señor Alcalde, na que dí que efectuouse «con toda la solemnidad pompa y religiosidad que correspondía».

Unha vez rematados os cultos relixiosos, regresou a Corporación municipal á Casa Consistorial, e alí reunidos abriuse a sesión pol-o señor Alcalde, pronunciando un elocuente «brindis» relacionado coa reprodución do voto pol-as glorias alcanzadas pol-o noso exército en Africa, «para vengar el honor y el pabellón ultrajado por los bárbaros marroquíes tributando un voto de gracias al Ejército y Generales que de victoria en victoria han conducido estos a aquel introduciendo la civilización tan necesaria como una de las mejores conquistas».

No desenrolo da súa oración, non se olvida dos seus compañeiros da Corporación, a quenes dá gracias por haber «contribuido coas suas luces a poder e a satisfacer no posíble cuestións tan complicadas».

Faise renovación solene do voto, pidindo ó santo non só proteición pra as enfermidades do corpo sinón pra á peste que invade as prantas que ven sendo a miseria de istos pobos, fai sete anos atacados pol-a enfermidade do oidium na vide.

Adica fervorosas e calurosas gabanzas á laboura do Goberno, pol-os adiantos «en todas las artes y ciencias bajo un régimen de tan buena administración y al tutelar brazo de nuestra bondadosa Reyna.»

Remata o seu discurso brindando pol-o

Diputado D. Lourenzo Cuenca, pol-as suas señaladas probas de amor dadas á istes pobos, e dá rendidas gracias pol-o regalo do retrato que preside a sala.

Dá un voto de gracias o «Señor D. José Benito Collazo por la felicidad de su panegírico «y aito seguido levado do seu entusiasmo e férvido patriotismo prorrumpen en vivas á Rainha, ó Duque de Tetuán, á Nación Española e ó Concello de Arbo.

Así remataron as festas que na honra do San Roque e no restablecemento do seu voto tiveron lugar en Arbo na data tantas veces dita.

Ó parecer, dispóis de un festexo tan solene como o verificado, paracería que xa endexamáis se esquencerían de celebrala como era debido, máis non foi así; varias e moi diversas foron as vicisitudes pol-as que pasou a festa, anos de grande pompa e solenidade; anos de grandes apuros económicos, nos que se cumpría con aquilo estritamente necesario; anos de esquecemento completo en aitas de sesións e en presupostos nos que non se consignaba ren.

Mais, antes de continuar a historia da festa de San Roque, sigamos tomando datos do citado cuaderno. A continuación transcribiremos o documento no que se comprometeron á cumprir o voto no día 16 de Agosto de todol-os anos.

«Los infrascritos relacionados y firmados nos asociamos y hacemos formal compromiso de afrontar cada uno lo que de buen grado ofrecemos para la función de San Roque que se celebra como aniversario de un voto antiguo en la Iglesia de la capital de este distrito municipal de Arbo para el año de 1861 llevando este compromiso el doble objeto de cumplir una penitencia que voluntariamente ofrecemos en obsequio al mismo Santo y consiste en marchar descalzos en el mismo día de la función desde la Casa Consistorial al templo para interceder mas y mas la protección del mismo Santo para con la clemencia divina con el fin de alcanzar del Señor su poderosa influencia benéfica en pró de todas las necesidades actuales de la Iglesia y de su Vicario el Sumo Pontífice lo mismo que para que nos vuelvan aquellas antiguas y vonanci-

bles cosechas de vino con desaparición de la enfermedad conocida con el nombre de oidium.»

Encabeza a suscripción o señor alcalde ca cantidade de 40 réas, pondo debaixo o seu nome e firma e todol-os pertescentes ó concello municipal ó lado da cantidade presupostada, puñan a verba voto pra indicar que eran eles os que tiñan que cumprir ca penitencia.

O esplendor que á festa se lle quería dar era tan grande, que os 1153 réas a que alcanzou a suscripción non eran suficientes e por iso vemos que como complemento a ita cantidade na discusión dos presupostos pra o ano 1861 en 1.º de Agosto de 1860 nos «presupuestos de gastos cap. IX. relación n.º 8», a corporación actual dispuxo o esaiito cumprimento e maiores progresos da festividade que tivera lugar unha suscripción voluntaria i-o presuposto dunha partida pra aitos de necesidade si os fondos particulares non alcanzasen pra a festividade, i-en consecuencia consignase a suma de 300 réas de vellón.

Istes 300 réas foron necesarios por canto que na presentación de contas o Concello, vemos consignados un libramento a favor de D. Basilio Pérez, n-aquel entón depositario, pol-a cantidade de 300 réas por gastos de festividade.

Nos anos de 1862 e 1863, cumpíuse esaiitamente co prometido habendo encargado n-este último ano á D. Basilio Pérez e ós concexales D. Domingo Antonio Pérez e D. Pedro da Casa, pra que corran cos gastos da función.

No presuposto pra o ano 1863, a consignación pra a festividade ascende a 600 réas; foi aprobado en 4 de Novembro de 1862, pero ca condición de que o Concello xustificaria primeiro a necesidade do gasto.

En sesión de 21 de Xaneiro de 1863, baixo a presidencia do Alcalde D. Xosé López, foi tratada a cuestión da festividade, e dispós de facer unha breve historia de todo o referente ó voto, fai ver a Corporación a necesidade de aumentar a consignación pra dita festividade, pois «no se tiene solemnizando con la decencia que corresponde», facen-

do notar que son necesarios, pol-o menos, de 900 a 1.000 réas.

Unha vez exposto o caso á Corporación, ista acorda; que se eleve a testimonio do Señor Gobernador da provincia, pra que reconecndo a necesidade sírvase aprobar o voto antigamente constituido, hoxe reproducido, e autorizar pra a festividade de cada ano a cantidade de 600 réas, gravándollos ó municipio, como o ven facendo ata agora e ca difrencia que resulte.

Nos libros de sesións do 64 e 65, non achamos nada novo, e o mesmo no 63 e 66, mais non así nos presupostos do 65 e 66, nos que a función de San Roque descende á 400 réas, si ben false unha observación que nos dí «que esta diferencia no va en perjuicio de los servicios».

Unha vez que nos alcontramos n-esta época, xa non hai dificultade ningunha no tocante á celebración da festividade que se celebra normalmente aínda que non sé fai mención nas aitas das sesións, pero, si, atópase consignación nos presupostos que no ano 1866 descende notabremente á 10 escudos con unha indicación de que isa cantidade é a bastante pra significar a festa de San Roque.

En anos sucesivos vai aumentando a cantidade no presuposto e a festa vai adequirindo maior esplendor e solenidade, chegando á ser de maior importancia a parte profana que a relixiosa.

Como máis arriba decíamos, concurrían ó punto chamado San Pedro as procesións das parroquias cos seus guións ó frente e presidíndoa o párroco da parroquia respectiva e o concexal da mesa. Ó chegar ó dito punto de San Pedro, na capela do mesmo nome esperaban unhas pol-as outras, e conforme ían chegando, facíanse reverencias unhas as outras e ali agardaban pol-a procesión da Capital, que correspondía á parroquia de Arbo, que viña co Santo á cabeza o párroco de Arbo, o Alcalde (si e que era da mesma parroquia) e unha gran cantidade de pobo que acompañando a procesión da súa parroquia respectiva, viña á asistir ós festexos relixiosos.

Unha vez reunidas todas, volvíase a formar nova procesión con todal-as parroquias

xuntas, que se encamiñaban á igrexa parroquial de Santa María de Arbo, donde daba comenzo a Misa e demais aitos relixiosos.

En cada procesión ía conducido o patrón da parroquia respectiva.

A hora pra se xuntar no citado punto de San Pedro, era sinalada de antemán, sendo de ver a presa que se daban algunhas parroquias pra ter o prurito de chegar primeiro que ningunha, habendo disputas por quen chegara primeiro ou non.

Iste ceremonial, fará cousa duns quince anos que non se verifica, e se fai a procesión cívica dende a Casa Consistorial con todol-os concexás, presididos pol-o Alcalde, dous númaros da Guardia Civil, de gala, que fan escolta dispóis durante a misa e na procesión.

A ista procesión aínda acompaña unha cantidade bastante numerosa do pobo, que

faise solidario do dito voto e concorre ás ceremonias que teñan lugar no templo parroquial.

Como penitencia voluntaria que era, deixouse de ir na procesión e dende a casa do concello ata a igrexa descalzo.

A isto é o que queda reducida a festa do San Roque na que adequiriu maior importancia a festa profana, como máis arriba teño dito, que a relixiosa reducida somente a unha misa cantada con máis ou menos solemnidade, e á procesión, facéndose algún ano que outro a novena.

Con isto creo que compretei o máis que foi posibre a historia de iste pequeno asunto histórico, que tantas vicisitudes pasou no transcurso dos anos, suxeto como estaba o criterio tan variado e diferente de todol-os que pol-o concello pasaban investidos ca autoridade de Alcalde ou de concexal.

LEABHAR GABHÁLA

LIBRO DAS CONQUISTAS D'IRLANDA

CAPÍTULO XI

A ocupación dos fillos de Mil

(Gabhéil Chloinne Miledh)

(Proseguimento)

133. Houbo cinco reis no Egipto dende o tempo do Pharaón Cingeris ata entón. Veleiquei os nomes:

Pharaón Cerres.	12 anos
Pharaón Armadis.	5 anos
Pharaón Rameses.	60 anos
Pharaón Amenoses.	40 anos
Pharaón Amenomes.	28 anos

Despóis qu'o Pharaón Tures colleu o goberno do Egipto, e cando obtivo forza e poder, e cando os seus guerreiros se fixeron numerosos, lembrou a súa hostilidade e enemistade contr'a castimonia de Nel, fillo de Fenius, pol-o trato e convenio que Nel formara cos fillos d'Israel, antes que marcharan atravesando o Mar Bermello, e coma il

collera os barcos de Pharaón, e non fixo rapista nen persecución nos fillos d'Israel coma cada un dos outros. Medraron entón alí rozamentos e contendas antr'íles por entramal-as partes, tanto que os homes d'Egipto botaron a Stu e ao seu fillo, Eber Scot, con todo o seu pobo, fora do Egipto.

134. Iles avanzaron, pol-o tanto, pol-o mar da súa patria nativa, Scythia. Scota, a filla do Pharaón Cingeris, nai de Gaedhal Glas, estaba co-íles na súa ancianidade. Cincuenta naos a súa conta, vintecatro parejas en cada nao. Navegaron despóis ao Mar Rubio, á illa de Taprobana, arredor de Sliabh-Riffe, car'o Norte, ata que chegaron á Scythia. Despoixas de tomaren terra n-a-

quela comarca, Scota, a filla do Pharaón, morreu antr'iles.

135. O qu'era rei da Scythia á sua chegada, era Noenbal, fillo de Baath, fillo de Noenbal, fillo de Fenius Farsaidh. Stu, fillo d'Eartu, morreu despóis d'esto, e Noenbal morreu de pestilenza n-unha noite. Entón, a caste de Noenbal, fillo de Fenius, e a caste de Nel, pelejaron pol-o goberno da bisbarra, ata que Eber Scot colleu o reinado dos fillos de Noenbal por meio da sua forza. Foi o primeiro rei da Scythia da raza de Nel. O rei Eber Scot, foi morto despóis d'isto por Noenius, fillo de Baath, fillo de Noenbal, fillo de Fenius Farsaidh.

136. Beoamain, fillo d'Eber Scot, tiña unha nemizade apaixonada por seu pai contra o mesmo Noenius, tanto que s'ergueron violentas batallas e moitos combates entr'os dous; asina Beoamain tomou o reino a forza de loitar dend'a Scythia á veira do Mar Caspio. Beoamain foi morto despóis na batalla d'Etarnadh por Noenius, e iste tomou o reino despóis, ata que morreu pol-a man d'Ogamain, fillo de Beoamain. Ogamain toma o reino despóis, ata que morreu de morte natural. Reffill, fillo de Noenius, tomou o reinado despóis d'isto, ata que foi morto por Tai, fillo d'Ogamain, por mor do reinado. Tai, fillo d'Ogamain, fillo de Beoamain, colleu o reinado ata que foi morto por Reffleur, fillo de Reffill. Erguéuse unha contenda antr'iste Reffleur e Agnomain, fillo de Tai, fillo d'Ogamain, por mor do reinado, e estiveron catro anos n-esta contenda, ata que Reffleur foi morto ao último por Agnomain.

137. Iste Reffleur fillo de Reffill, tivo dous fillos bós: Noenbal e Reffleur. Iste erguéronse juntos contra Agnomain, fillo de Tai, por mor do reinado, de xeito que non había paz entr'iles. Moitas batallas e combates tiveron lugar antr'iles, en contra do outro, de sorte qu'os fillos de Reffleur, fillo de Reffill, ao fin botaron ao seu parente Agnomain, fillo de Tai, con todo o seu pobo, fora da Scythia. Iste son os chefes que tivo: Eber, fillo de Tai, seu irmán; Elloth, Laimhfhind e Glas, os tres fillos d'Agnomain; Caicher o

druida e Cing, os dous fillos de Eber, fillo de Tai. Trinta navíos contaban, tres ringlas en cada navío, dos que unha ringla eran mulleres.

138. Entón viaxaron deica chegaren a illa do Mar Caspio. Detivéronse alí un ano. Agnomain morreu alí. Despóis foron ao mar de Libis; unha jornada de seis días de vran foron iles remando cara alá, dend'a illa do Mar Caspio. Atoparon unha fermosa e placenteira illa alí, Coronis seu nome; estiveron alí un ano e cuarto. Glas, fillo d'Agnomain morreu ao cabo d'aquel tempo. Despóis navegaron pol-o mar.

139. Iste eran os seus chefes: Elloth e Laimhfhind, os dous fillos d'Agnomain; por tal razón era chamado Laimhfhind, por mor de que as lámpadas ardentes non eran máis lucentes qu'as suas mans de noite ao ir remando; Cing e Caicher, os dous fillos d'Eber, fillo de Tai. Foi Caicher o qu'atopou un remedio pra iles, contra os cantos das sereias cando iban pol-o Mar Caspio. N-iste mar había d'ises monstros mariños coa feitura d'unha muller dende o embigo pra riba, escedendo a toda feminina forma en beleza e proporcións, con lucente cabelo marelo sobr'os hombreiros; mais a sua forma era de peixes dend'o embigo pra baixo. Elas cantaban un musical canto, sempre melodioso pr'a tripulación dos barcos que navegaban perto d'elas, tanto que caían no estupor do sono escoitándoas; elas, despóis, atraguían as tripulacións dos navíos cara elas cando as tiñan asina dormentadas, e devorábanas. Elas cantaron n-esta ocasión un praxideiro canto a Laimhfhind co seu pobo, cando iles iban pasando, tanto qu'a flota detívose calada a ouvilas na supreficie do mar. Caicher deprendeunos a derreter cera e pola nos ouvidos pra que non poideran ouvir o coro das mulleres do mar. Así o fixeron.

140. Cando s'houbéron ceibado da música das sereias pol-a industria de Caicher, navegaron ao longo do gran Océano do Norte, e estiveron por espazo d'unha semáa derivando por il, sufrindo fame e sede, ata que non acadaron a punta norte de Sliabh

Riffe. Atoparon ali unha fonte co gosto e satisfazón do viño, tanto que se fartaron d'il ata que estiveron bévedos. Durmiron despois, e estiveron n-aquél lugar tres días con tres noites, ata que Caicher lles dixo, profetizándolles: «I aill Ara»; que é: «Nonos hemos deter ata chegarnos á nobre illa d'Irlanda». «Ond'está Irlanda?», dixo Laimhfhind. «Máis longe de nós que Scythia; e non chegaremos nós a ela, senon os nosos fillos d'eiquí en trescentos anos.»

141. Despois marcharon pol-o mar ata chegaren ao Gaethlaighe; detivéronse n-esta terra. Un nobre fillo nacéralle a Laimhfhind, fillo d'Agnomain, ali chamado, Eber Gioullobranco. Outro fillo nacéralle a Ealloths fillo d'Agnomain, Eber o Negro, sen nome. Ao mesmo tempo naceron istes rapaces no Gaethlaighe. Foron os bisnetos d'iste Eber Gioullobranco, fillo de Laimhfhind, chamado Noenel, fillo de Febri Glas, fillo d'Aghnon o Branco, fillo d'Eber Gioullobranco, e o neto d'Eber o Negro, fillo d'Elloth, fillo d'Agnomain, chamado Taithechta, fillo de Tetrech, fillo d'Eber o Negro os que gobernaron juntos no Gaethlaighe. Trescentos anos estivo a castimonia de Gaedheal no Gaethlaighe, dende o tempo en que Laimhfhind, fillo d'Agnomain veu ali ata que Brath, fillo de Death a deixou.

142. Entón iste Brath, fillo de Death, fillo d'Erchaindh, fillo de Nuadha, fillo de Noenes, fillo de Febri o Verde, fillo d'Agnon o Branco, fillo d'Eber Gioullobranco, fillo de Laimhfhind, fillo d'Agnomain, surtiu de Gaethlaighe pol-o mar, despois da morte dos seus antergos. Corenta anos contaba. Navegaron por Creta a Sicilia, deixando Europa á dereita, ata que chegaron á Hespaña. Istes eran, pois, os seus chefes: o mesmo Brath; Occe e Uicce, os dous fillos d'Elloth, fillo de Noenel, fillo de Neimhedh, fillo d'Elloth, fillo d'Oghamain, fillo de Tothechta, fillo de Tetrech, fillo d'Eber o Negro, fillo d'Elloth, fillo d'Agnomain, fillo de Tai, fillo d'Oghamain; Mantan, fillo de Caicher, fillo d'Ercadh, fillo de Caomtecht, fillo de Soet, fillo de Mantan, fillo de Caicher o

druida, fillo d'Eber, fillo de Tai, fillo d'Oghamain.

143. Tres batallas foron rifadas por iles despois que chegaron á Hespaña; a batalla contr'os Toisiana, a batalla contr'os Bachra, e a terceira batalla contr'os Lombardos. Unha pauliña caíu riba d'iles despois d'isto, que a tripulación de dous navíos, mandados pol-os chefes Occe e Uicce, morreron, senon foron dez qu'escaparon, mandados pol-os fillos dos dous devanditos chefes, chamados En, fillo de Occe e Un, fillo de Uicce.

144. Un fillo ile naceu a Brath, fillo de Death, despois d'estar na Hespaña, Breoghan seu nome. Foi criado ata que foi disposto a coller as armas. Brath morreu despois de un tempo, e Breoghan colleu o principado despois d'il. Entón erguéronse contendas e discordias, rifas e disputas antr'as varias razas da Hespaña e a tribu de Gaedheal, tanto que moita batalla e escaramuza houbo antr'iles. Non embargante, foi Breoghan cos seus soldados e pobo, quen safu vitorioso en todol-os combates e sua foi a vitoria, tanto qu'as tribus da Hespaña foron sometidas a il ao cabo.

145. Despois, unha cibdade foi fundada por Breoghan na Hespaña, Brigantia seu nome (1), e unha torre foi ergueita por il no fronte d'ela, que é chamada Torre de Breoghan (2). Unha placente e deleitosa morada, e un lugar pra velar e vigiar era aquilo. Na-

(1) Non colle dúbida qu'esta cibdade de *Brigantia* estaba no litoral Norte de Galicia. É a *Brigantia* ou *Brigantium* das fontes clásicas, que dan nome á tribu *brigantia* e seguramente á terra de *Bergantinos*. Sabido é qu'os comentadores localízanla en Betanzos. Ora, as verbas seguintes do *Leabhar Gebhala*: «e unha torre que foi ergueita por il no fronte d'ela», ou seña, no fronte da cibdade, asemella que favorecen máis a localización na Cruzá.

(2) Esta torre de Breoghan (*Tor Breoghan*) é a que despois foi chamada Torre de Ercole. Sabido é qu'esta torre é deseñada nas fontes antigas e aínda nos mapas medievais co nome de *Forum Brigantium*, ou seña Faro da cibdade ou do porto de Brigantia ou Brigantium. Por influxos neoclásicos, despois, viu Ercole porse no canto de Breoghan, verdadeiro construtor da Torre según as antigüísimas tradicións recollidas no *Leabhar Gebhala*. As fontes máis antigas favorecen pois a súa atribución ao fundador de Brigantia, cuxo nome está ademais relacionado co de Breoghan.

ceron fillos a iste Breoghan despois na Hespaña; istes son os seus nomes: Bregb, Cuaila, Cuailnge, Blad, Fuad, Muirthemme, Eble, Nar, Ith e Bile.

146. Pra comemorar e ostentar a historia de Gaedheal e a sua caste, o seguinte poema foi cantado; —Giolla Caiomhghin o compuxo.

- a Gaedheal Glas, de quen veñen os Gaedhil —
é o fillo de Nel de grande opulencia
era forte no Oeste e no Leste,
Nel, fillo de Fenius Farsaidh.
- b Dous fillos tivo Fenius, verdade digo,
Nel noso pai, e Noenbal;
Nel naceu na torre, no Leste,
Noenbal na Scythia de puro escudo.
- c Nel, fillo de Fenius, que non era manco,
marchou ao Egipto ond'ao Pharaón;
na terra d'Egipto despois d'iso
naceu Gaedheal noso pai.
- d Stu, fillo d'Easru, fillo de Gaedheal,
noso anterifo, de ledo hóspede,
foi as Norte á sua casa
sobr'o seo do Mar Rubio aceso.
- e Cincuenta naos a conta da sua hoste
que navegaba pol-o gran Mar Rubio
baixo cada cuberta permitense
vistecatro parexas de casados.
- f Príncipe de Scythia era brillante tidos,
do mozo cuio nome é Noenbal,
que morreu na sua casa longe
cando chegou a tribu de Gaedheal.
- g Eber Scot foi rei dos campeóns
sobr'os fillos de Noenbal
ata que sen tenra compasión foi morto
por Noenius, fillo de Noenbal.
- h Despóis o poderoso fillo d'Eber
cuio justo nome era Beoamain;
á beira do Mar Caspio rei se fixo
ata morrer de Noanios pol-a man.
- i Noenius, qu'era fillo de Noenbal o forte,
tomou a Scythia de manchado escudo;
o perfeito rapaz chefe caiu
por man d'Ogamain fillo de Beoamain

- j Oghamain despóis príncipe foi
despóis de Noenius, o de boa forza;
tanto que morreu já co-a cabeza branca
e despóis foi o reino de Reffill.
- k Despóis d'isto tamén Reffill foi morto
por man de Tai, fillo d'Oghamain;
Tai morreu, seguro crime, que non era floxo,
pol-a man de Reffloir, fillo de Refill.
- l Reffloir e Agnomain sen chata
catro anos levaron en loita
ata que Reffloir o grorioso morreu
diante do fillo de Tai, diante d'Agnomain
- m Noenes e Reffloir c'unha lanza,
os dous fillos de Reffloir, fillo de Reffill,
botaron a Agnomain fora
pol-o gran verde e ledó mar.
- n Bós, os chefes que foron despóis d'il
que viñeron da Scythia—,
Agnomain, Eber sen deshonra
os dous fillos de Tai, fillo d'Oghamain.
- o Elloit, Laimhfhind, Glas, valente e prudente,
os tres fillos d'Agnomain o moi reuto
Caicher Cing, sona con vitoria,
os dous bós fillos d'Eber de estrana rapidez.
- p O seu númaro, corenta naos
vindo riba das tristesiras olas
tres ringlas cada nao d'iles
e unha ringla d'iles, mulleres.
- q Agnomain morreu, seu chata,
no estreito do gran Mar Caspio;
o lugar ond'iles estiveron un ano
ond'iles atoparon un gran misterio.
- r Iles chegaron ao cheo mar de Libis,
unha navegación de seis días de vran inteiros;
Glas, fillo d'Agnomain, que non era probe,
morreu alí en Coronis.
- s Unha fermosa illa alí atoparon
no mar de Libis, de héroes mozos
unha estación e un ano, con sona
a suà residencia n-aquél sitio.

- t Navegaron no mar, un lucente feito,
dous días e duas noites;
o resplandor das mans de Laimhfhinn brila
com'as máis fermosas candeas.
- u Catro chefes tiveron que non foron probes,
vindo ao mar de Libis;
Elloth, Laimhfhinn, seña por vos contado,
Cing e o seu irman Caicher.
- v Foi Caicher quen atopou pra iles un remedio
pra o engado das mulleres do mar.
De geito que Caicher lles dixo
que puxeran cera nos ouvidos.
- w E Caicher de brillante perfeizón
quen lles fixo unha profecía,
na montana de Riffe, no cume
«Non hai repouso pra vos deica Irlanda»
- x «Ond'está esa sobprime Irlanda?»
dixo o brillante e fero Laimhfhinn.
«Moi longe de vós», dixo alí Caicher,
«non chegarán, senon os vossos cartos fillos».
- y Iles adiantaron no seu bataleón con veneno:
ao Sol máis alá da punta de Riffe—
os fillos de Gaedheal con furia—
ata qu'ocuparon o Gaethlaighe.
- z Un noble fillo naceu alí
a Laimhfhinn, fillo d'Agnomain.
Eber giouullo-branco, de crara coor,
pai d'Aghnón, abó de Feibri Glas.
- a' A tribu de Gaedheal o héroe blanco
tres centos anos botou n-aquela terra;
cultivárona dend'entón
ata qu'o vitorioso Brath foi nado.
- b' Brat, bon fillo do forte Death
veu a Creta, a Sicilia,
corenta naos a sua gente,
Foi por diante da Europa, a Hespaña.
- c' Occe e Uicce sen medo,
os dous fillos de Elloth, fillo de Noenbel,
Mantan, fillo de Caicher, Brath o propio,
istes foron os seus catro chefes.

- d' Fortes os héroes qu'ali viñeron,
a tribu de Gaedheal de azues vestes
pol-a forza do valor, por esforzo
Iles rifaron tres batallas na Hespaña.
- e' Iles unha batalla ben sonada
rifaron contra a hoste de Toisen;
unha batalla contr'os Bachia,
e unha batalla contr'os Lombardos.
- f' Foi dispois a disgraciada batalla
qu'a plaga d'un día ven a iles;
a gente das naos do fillo d'Ellotti seu chata
morreron quitando dez homes.
- g' Un e En escaparon da disgracia
os dous bos fillos dos fortes chefes;
despois que Breoghan foi nado
pai do forte Ith e de Bile.
- h' Rifaron moitos combates e batallas
contr'as numerosas hostes de Hespaña,
Breoghan venceunas, qu'era o campeón,
por il Brigantia foi fundada.
- i' Dez fillos de Breoghan sen medo:
Brea, Fuad e Muirthermue,
Cuailngen, Cuala, Blad coma
Ebhle, Stli, Nar e Bile.
- j' Bile, fillo de Breoghan de forte valor,
de quen era fillo Mil
que foi cabeza de príncipes e tribus
da nobre raza do forte Gaedhil.

147. Un soado nobre fillo naceulle a iste
Bile, fillo de Breoghan, na Hespaña: é Go-
lam. Foi criado deica que podeu levar as ar-
mas, nas artes de valor e guerra, antre tuto-

res de todo ensino, ata qu'il sobrepasou aos
mozos do seu tempo en esperteza e valor e
todal-as artes e ensinanzas.

(A seguir)

Xa apareceu

O DERRADEIRO AMORE

Novela, por Aurelio Ribalta

D A A L E M A Ñ A

POR VICENTE RISCO

II.—O RHIN.

(Proseguimento)

Hai eiquí, com'en todas as universidades alemás, infindas asociaciós d'estudantes, das que os membros levan coma distintivo as suas gorras: gorro inglés com'os grooms, posto de lado; gorra de plato; képis dobrado co-a bisera ergueita, que é o que mais raro fai. Hai asociaciós moi antigas e ricas, compostas de poucos membros, e moitas posen manifecca casa propia. O oujeto principal é divertírense. Son as tan soadas asociaciós escolares, do tempo do *Gaudesamus* e do latín macarrónico, unha das cousas nas que vive aínda a antiga Alemaña prebismarckiana. A Bonn ven estudar moita xente no semestre de vran, por ser eiquí moito mais divertido que n-outros lados, de sorte que no vran medra a Universidade n-uns 8.000 estudantes. Din que cada vez estuda mais xente e hai mais tídcos académicos, o que já escomenza a ser un problema. Semella qu'unque traballan, tamén se divirten e pasan o tempo de calquera xeito.

Tamén entrei n-unha aula grande, con bancos e pupitres, aparello de proieucións, telón branco, mesa profesoral e encerado. N-ela había estudantes lendo. N-estas aulas é a *Vorlesung*, na qu'ó Profesor esprica, case sempre lendo un libro qu'estea escribindo, e en todo os cursos trata temas diversos. Os estudantes escoitan; se lles non gusta o qu'ó profesor di, arrastran os pés; se lles gusta, patean. Os profesores, cando reciben mos-

tras de desaprobación, solen cambear abelenciosamente, ou espricar o que dixeron.

Ora, iste utillage centífeco custa un diñeiral. O presuposto d'unha Universidade con todo o seu material, seminarios, laboratorios, museus, bibliotecas e dependenzas de toda caste, é fabuloso; os profesores cobran enormes soldadas, e láyanse de cote de non teren d'abondo nos seus seminarios, pra os seus traballos.

O RHIN.

Era ja tarde cando chegamos á beira do Rhin. Unha gran ponte de ferro cruza d'unha pr'a outra banda. Baixamos á beira do río e estivémolo considerando. E' largo d'uns cinco centos metros e vai antre vizosas oreas de apretado verdor. Río un pouco civilizado demais. E ningunha outra cousa podo dicir d'iste río famoso, no que non chegou a ~~ser~~ o lago de Loreley.

CONVERSAS.

Voltamos á Krankenhaus. Van chegando os amigos do Prof. Martínez Santa Olalla. Primeiro con moito coitadiño por mor das monjas; mais despois já vai rubindo o barullo, funciona o gramófono, etc.

Istes hespañóis están poseídos da superioridade da súa raza, e cecais vaian atinados; poi-o menos, fan ben. Din qu'ó que nos falla

a nós é método, sistema, orgaización, persistenza; que co-estas cousas eiquí está enormemente facilitado todo. Somentes teño unha objeción que facer: nós seremos, se cadra, mais capaces qu'os alemás intelectualmente; mais non colle dúbida de que somos incapaces de método, de sistema, d'orgaización, de persistenza. E non penso que seña falla d'hábito, senón tara racial. E tampouco colle dúbida de qu'iles obteñen mais resultado coesas cousas, que nós co-a nosa pretensa superioridade.

Istes hespañóis pensan, en xeral, mal dos alemás. Din que teñen pouca cabeza e qu'o fan todo a forza d'apricación; que por adentro son perfeitos bárbaros, non tendo mais qu'un barnis de civilización por afora; que son moi finos e corteses, pro moi intresados, que cobran por todo, que compre tratar moito as cousas enantes de nada, por mor dos prezos, que de cote se consideran con dereito pr'esprotaren ao estrangeiro, etc, etc. Tampouco atopan a cencia alemá tan fondamente seria coma semella; refiren tremendos erros d'hispanistas de gran sona, e outras ligeirezas dos sabios d'esta terra. E' certo; mais o qu'acontez, é que nós vimos estudar co-iles e iles non veñen estudar conosco.

Ora, verdadeiro é que na Hespaña quer haber certos pulos de vida nova, que non sei onde chegarán.

E rematou a sesión e despedinme tristeiro d'esta leda pouza no meu camiño. Muñoz e Prieto viñeron comigo deica a Rote Kane.

ABREISE

Cenei, durmin, erguínme, arranxeime, almorcei, paguei e saín. Aos tres cartos d'ho-

ra baixaba do carro elétrico ond'a Catredal de Colonia. Volvei visitar. Despoixas, na estación, arranxei todo e metínme no *Schnellzug* das 11'05 horas pra Berlin.

NACH BERLIN.

Todo o qu'eu podo lembrar do camiño, indo no *Schnellzug*, é o seguinte:

Un wagón de 2.^a cómodo e con pouca xente. Unha parexa, home e muller, il boa facha e elegante, ela fea de gana e recomposta, posibelmente israelita, do tipo israelita de face achatada e coma esmagada c'un mazuco dun carpinteiro, e aínda asina, presumida com'o demo, botando a cada paso mán do espello, e moi afeita ten qu'estar a se ver n-il, pra non coller medo de si mesma.

Essen, Dostmund, Hannover, moita frábica e construción industrial, ferrollos de todas castes. Casas alemás, todas con estilo e ca-raute, aunque seña d'estilo moderno. As casas, com'os homes, teñen raza.

Despois: campos longos, longos, longos, chaos com'a palma da mán, rasos de todo, en tiras alongadas, verdes ou da coor da terra, sen albres, anacos de bosque que se perden de vista; n-algús sitios, moitas vacas pintas, brancas e negras; algunhas aldeñas moi pequenas, teitos de colmo; algún home arando c'un cabalo; grupiños de catro ou cinco homes ou mulleres d'arrastro no chao.

Vilas grandes e fermosas, con casas ben feitas d'estilo que pode pasar, sempre de tipo germánico.

Se non pode un decatar ben das cousas, non porque un non-as vexa ben, senon pol-o supetamente que se suceden as imaxes. Fica todo n-unha grande imprecisión. Asina, d'iste viage somentes me fican nubens no esprito apenas coorexadas de gris, verde e terroso.

III.—BERLÍN

ZOOLOGISCHESGARTENBANHOF

Estou no curazón de Berlín, n-unha estación chea de gente e de movemento, onde todos andan apresada. Aínda hai sol e todo somella ledado e riseiro.

Nova decepción: o Fernández Armesto non parez pol-o andén. Estou soílo en Berlín... Baixo cos muestres bagages, vou andando adispacio a ver se vexo alguén coñecido, deica o *Ausgang*. Baixo todo triste, e atópome n-unha plaza onde voan automóveles e carros eléctricos, onde semella qu'a cibdade inteira ven contra d'un pra esmagalo aíxiña.

Non vexo autos, mais descubro de súpeto unha cousa extraordinaria: é unha sorte de berlina imensamente vella, tremendamente arcaica, d'estampa de comenzos do século pasado. Ten a capota baixada por atrás, a metá d'adiante de cristais, no pescante un mayoral manífecho, un velliño pequeno, de bigotes e perilla brancos, vestido c'unha sorte de frac verde reberetado d'ouro, abotoado d'ouro deica o pescozo, coberto c'unha chisteiriña baixa galonada d'ouro e con escarapela negra. Un mayoral tamén d'estampa, irreal de tan inactual, que tanguen un cabalo histórico que fai clap, clap, cas ferraduras no asfalto.

Ledado do achádego, boto os equipages na berlina, e dou ao velliño o enderezo da Pensión Latina, Rankestrasse, 6.

Despois díxéronme que n-un coche d'istes, entrou en Berlín, hai pouco. Ramón Gómez de Laserna. Mais eu non-o sabía. Fun contento na berlina aquela que tan gentil avanzaba por antr'a maré de modernidade. Consigo iba o tempo todo dos Hohenzollern. As grandes cibdades conservan ás veces o pintoresco enquistado na indifrenza banal dos seus avances, pra consolo imprevisto do viaxeiro espiritual.

Non istá longe, Rankestrasse; mais com'o vehículo non vai apresada, pódolle coller o gusto no meio da baraunda que m'axorda e m'impón. Endejamáis me sintín tan estran-

geiro nen tan badoco, doorosamente badoco d'ista volta, pol-o feble que m'achaba d'esprito.

PENSION LATINA

Parou a berlina prehistórica diante d'unha casa de boa aparencia. Había letreiro na porta, indicativo de qu'a Pensión Latina istaba no derradeiro andar. Subín, chamei, e apareceu o Sr. Olivar, moi fino e falagueiro, de gafas e cabelo branco, dono da pensión.

Ten unha cámara con dúas camas, de 10 marcos, que me deixará en 7.

A cámara é moi boa, un pouco cupleteril. Ten dúas fenestras sen contras, con dobre vidreira, cortinas e stores. Os mobles están pintados laca branca: hai unha mesíña redonda con tapete, outra mesa con tapete arrimada á parede, dous taboletes e unha cadeira, gran almarío, gran estufa de louza branca, leitos gemeos con «chaise-longue» aos pes, e lavabo empotrado con auga quente e fría; antr'as fenestras, gran espello con repisa abaixo.

O Sr. Olivar ten un gran *comptoir* con inmenso mostrador. Amostroume o salón, onde ten jornais hespañois e sudamericanos, e o comedor, onde sirve cocíña hespañola por 3'50 marcos.

Digo que sí a todo, voume á habitación, lávome, aféitome, e namentras entran un criado madrileño e unha criada alemáa, e mudan a roupa da cama. Sábenas presas con botós a un edredón delgadiño e outro edredón por riba; a cabeceira subida a un enorme cadrante. Hai dúas mesas de noite, e n-unha, un fermoso orinal en figura de cunquiña de chiculture.

Cando salgo pra ir xantar, aparecen no pasillo o Tobío e Fernández Armesto. Já se podén comprender o que pasou, e coma, namentras ceábamos unha fabada asturián e bebíamos viño, fun eu quen tivo que falar de com'iban as cousas en Galiza.

PRIMEIRAS IMPRESJOS

Fumos logo a un café, ond'o Zoo.

Un café moderno e elegante, disposto com'un teatro, con palcos escalonados, cheos de mesitas con mantel, cinzeiro, e caixa de mixtos posta n-un chisme especial de prata. Cadeiras e butacas de salón. Nas mesas moitas mulleres semielegantes, pintadas e fumando pitos e homes pol-o geito. Pasan camareiras e grooms vendendo pitos e bombóns. No fondo, n-unha sorte d'escea, toca, de cando en cando, unha orquesta. O decorado é de madeiras barnizadas con incrustacións, e a luz disposta en barras.

A gente semella que se quer divertir moito e que s'aborrece cansa de todo. A sensación é de podremia e pesa no fondo do estómego.

A isto engádese que o Fernández Armesto e máis o Tobío puxéronse en comunistas e rusófilos. Pouco máis menos, din a co-ro o seguinte:

—Berlín é unha isla de enorme vida, onde todo é novo e moderno. En luxo, divertimentos, traballo, políteca, etc., é moi superior a París. Agora desplazouse pr'eiquí o cerebro d'Europa. Eiquí estase fraguando unha total renovación, en arte, en literatura en filosofía, en ciencia, en moral, en todo. É a vida nova, a inocencia d'un novo mundo, que vai desbotar total-as ideias e total-as formas mortas da vella sociedade. Isto qu'eiquí se vé non é podremia nin ancianidade; toda ista gente non son ociosos, senón gente que traballa todo o día, e agora ven gozar da vida. Non hai dúbida qu'eiquí, a vida eixege moito máis esforzo, pro en troque recompensa moito máis. Eiquí están resoltos unha chea de problemas qu'antre nós aínda preocupan, coma por eixemplo o problema sexual; na mesma Francia istá iste problema por resolver. Eiquí hai unha completa liberdade. O espírito atópase ceibe d'esas preocupacións e nasce un novo concepto do mundo, unha nova *Weltanschauung*. O comunismo imporase. Eiquí imponse já; soilo en Berlín, hai preto d'un millón de comunistas. Trunfará como trunfou en Rusia, que vai hoxe á cabeza do mundo. En Hespanña non saben nada de Rusia, somen-

tes as novas que dan os escritores pagados pol-o capitalismo; eiquí Rusia vémonla c'outra luz completamente diferente, e vese o avance gigantesco que representa...

E emprincipian a falar das escolas rusas, dos hespitales, das frábricas, de todo... E resulta que Rusia ten todo o maior do mundo: a frábrica máis grande do mundo, o edificio máis grande do mundo, o sanatorio máis grande do mundo, etc., etc.

E votan por aquela boca toda a ortodoxia ou heterodoxia marxista, todo o economismo, todo o materialismo histórico, e todos os lugares comúns do socialismo internacional.

O desgosto qu'isto todo me produz engádese á sensación d'abandono e de medo que como a badoco legítimo m'apreta o corazón dende que cheguei. Rúbeme, cecaís do plexo solar, unha tremenda sensación de medo a todo: aos automóveles, aos espazos, á grandura de todo, ao movemento, ao gasto, á soedade, ao idioma, á ciencia, á grande vila tentacular e maelstrónica. Arrepiatome de saír da casa, de deixal-as miñas comodidades, o achego da miña gente, a compañía dos amigos, a tranquilidade da miña vila e da miña casa, a muller, o neno, todo o qu'un quer e o que tanto val... Compénsame unha cousa: o ver com'as miñas ideias vanse afirmando e confirmando experimentalmente; coma eu previno todo, e coma todo o qu'eu pensei compróbase...

Porque sen dúbida qu'istes amigos, no seu optimismo revolucionario eisageran moito as cousas; máis por moito qu'as eisageren, co que quede de certo hai d'abondo pr'amos-trar a miña visión d'apocalipse.

Despois do café, amóstranme algúns aspectos verdadeiramente pantástecos das rúas de Berlín —Augusta Victoria Platz, Tauentzienstrasse, Kurfürstendamm— alumeadas con luces de coores, anuncios luminosos, toda a pantasmagoría eléitrica ca qu'a gran cidade disfrazada d'irrealidade a sua door de miseria e a sua podremia de negocio. Semella un folión de fogo fixo, ten a intensa cintilación lumínica do día do Apóstolo en Compostela; crería un qu'ista parte de Berlín istá total-as noites en festa. Mais non

foi esta noite cando máis ademirei iste espeitáculo verdadeiramente lindo.

Era tarde, e fóronme levar á Pensión Latina. Eiquí cada un leva as súas chaves, e hai combinacións de luces que s'alcenden o tempo preciso pra subil-a escaleira. De xeito que abrin a luxosa porta de cristais extraordinariamente forte e pesada, apretei o botón da luz, e subín, xa soilo e cheo de confusión, d'estrano e de medo, abrin a porta d'enriba e precurei a miña vulgarmente coqueta cámara, e deiteime aixinha a durmir. Deus seña loubado, a min ningunha preocupación me tira o sono...

A luz qu'entraba á mañá pol-as dúas fenestras sen contras, espertoume axiña pra o outro día. Estaba descansado, anque mal agusto, e estranxeiro a todo. Á man dereita, na mesa de noite, tiña un teléfono pra chamar, que sómentes con collelo e erguelo do seu asento, já fai zonir o timbre. Coma non tiña reló, estiven á espreita por s'ouvía dar algún qu'houbiera por alí. Por fin, despois de moito, deron as oito n-algunha torre, e eu fiqui ollando os mobles laquejados de branco e a estufa moi mental, todo tan arranjado e pretencioso, que non podía ser máis. Semelloume cousa d'hispalois que se queren adautar á vida berlinesa, presumindo de cidadáns de grande vila e d'estaren afeitos á vida moderna, de saberen tratar coma cousa familiar os teléfonos, a calefacción e demais aparellos.

As nove erguinme, laveime, chamei pol-o almorzo, e trouguéronme café, leite, pan, manteiga e compota. Comín todo aquilo, e púxenme a escribir deica que chegaran o Fernández Armesto e máis o Tobío.

BEI TORNEGG

Chegaron, e coma ja me tiñan precurada unha cámara, pois leváronme a un Banco cambear as pesetas por marcos, víñemos despois á Pensión Latina; paguei sete marcos, e logo collimos un taxi, carregamos o meu baúl, e despois á miña nova morada.

É en Waitzstrasse, unha rua ampria, tranquila, silenciosa, asfaltada, con árbores, que sai á Kurfürstendamm. É un baixo, rente á rúa. Un portal longo que remata n-un patín

interior con árbores e herba, e a mau dereita, unha porta riba de tres gradas metida no escuro. Chamamos e veu abrir a dona, Fran Tornegg, unha judía-divorciada, delgadilla e moi fea, de mediana idade e con algúns cabelos brancos, amábele e falangueira. Eu non lle comprendo nada do que dí, e parlamentan íles co-ela: a cámara que me vai dar istá aínda ocupada, de modo e de maneira que, namentras non chega o día primeiro do mes, estarei n-un comedor, onde me leva, pagándolle d'adiantó pol-os días que fallan, 20 marcos.

O comedor ten dúas fenestras de meio corpo á rúa, con dupla vidreira e persianas de pau. Está posto á antiga berlinesa, no que cabe. Empapelado d'escuro con froles, c'unha zona branca por enriba: con listón dourado, e teito branco d'escaiola con escocia e florón no meio. D'il cai unha lámpada eléctrica dourada d'estilo moderno con pantalla de seda. No centro da estancia hai unha gran mesa de comedor Renacimiento, con tapete branco e un floreira no meio; hai tres cadeiras de rejilla d'outo respaldar, estilo un pouco Luis XIV, un chinero compañeiro, unha gran vitrina con catro estantes, onde hai cuncas, candieiros, fruteiros, pratos e fontes do século pasado, e algunhas outras miudezas. Enriba, unha vulgar lámpada eléctrica d'enchufe, e na parede, dúas estampas chinescas. Un sofá que de noite se trasforma en leito, e dúas butacas compañeiras, cubertos d'un tecido escuro estilo cubista. Enriba do sofá, hai na parede unha paisaxe ao óleo. N-unha esquina, un moble no que hai un reló antigo, parado; hai outro reló vulgar, que anda, pendurado na parede, na que hai tamén algúns retratos de familia en fotografía. Unha mesilla de té ou costureiro, con tapetiño d'encaixe, un radiador e cortinas d'encaixe e stores. Gran alfombra que cobre o piso inteiro.

É esta unha casa en silencio, que semella abandonada, e a miña estancia provisioal está de cote chea do bater do reló pendurado, que me lembra a casa d'unha parenta vella d'Ourense ond'iba eu de pequeno.

(Continuárase)

Imprenta NÓS, Hortas 20. Santiago.

Apareceu o volume I da "Biblioteca Murguía"

DE ESTO Y DE LO OTRO

por Roberto Blanco Torres.

Pedidos a NÓS - Hortas, 20 - SANTIAGO

FOTOGRAFADO

Si quer qu-os seus fotografados sexan o mais perfecto posibres, convenlle envialos aos

Talleres de fotografado ESPASA-CALPE S. A.

Ríos Rosas, 24-Apartado, 547 MADRID

Droguería e Farmacia

LUIS FÁBREGA

Progreso, esquina a Luís Espada

OURENSE

MERQUE VOSTEDE

Plumeiros **RAFIUM**

De mais dura qu'os de pruma e limpan millor. Véndese en todol-os establecimentos do ramo

Andrés Perille - OURENSE

O movimento demostrase andando . . .

O galeguismo lendo as publicazóns **NÓS**

Sanatorio Quirúrgico de San Lorenzo

SANTIAGO DE GALICIA
DE LOS PROFESORES

D. Fernando Alsina y D. Antonio M. de la Riva

CIRUJANO

GINECÓLOGO

Establecemento dotado de todol-os elementos que exixen a terapéutica e a hixiene modernas, situado nas aforas da poboazón, moi cerca do paseo da Ferradura

Teléfono número 195

Pra detalles, calquera dos Directores ou o Médico interno



A hixiene nos nenos

é a garantía da súa saúde física e moral o día de mañá.

No diario aseo dos nenos emplee o **"Jabón Sales de la Toja"**, único que ás súas altas calidades meiciñás xunta toda a finura e perfume d'un xabón de tocador.

Contribúe ó perfecto desenvolvemento das criaturas e evita o perigo da escrófula e o raquitismo.



**JABÓN
LA TOJA**
UNICO EN EL MUNDO



O Xabazón da Toxa
é o mellor.
Honra á Galicia no
mundo enteiro



AGUAS DE
MONDARIZ
FUENTES DE GÁNDARAY Y TRONCOSO
Propiedad de los Sres. Hijos de Peñador

Véndese en todas las
Boticas, Droguerías,
Hotels,
Depósitos d'augas
minerás,
Restaurants e
vagos-camas de
todol-os três.

Estas augas, de sona universal son
o remedio enxebre e eficazísimo
cand'un quer combater o Artritismo,
a Diabetis, Desnutrizón, Obesidades
diversas, doenzas do Aparello diges-
tivo, Anemia e Neurastenia

Riquisma auga de mesa
===== gaseada naturalmente =====

Mondariz-Balneario, áchase á 35 Km. de Vigo